

## NIGITIWATAALE LIWAKATE JOÃO

João ayemaa me iditini liboonagadi nigica lapo loiigi Cristo ane didikotibige leegodi nigicoa nokododi oiatetibeci loiigi Cristo. Joanigidaa leegodi meyatigi me “Niotagodo” nigica lapo loiigi Cristo ane didikotibige.

EO loniciwaga me dinemaatiwage codaa midioka limedi modiatece niigaxinaganegeco anewi. Codaa eo leemidi me dogodibatege niigaxinaganegeco ane degewiteda, otegeexaagaga odibatege digidiaagi ligeladi niginoa niigaxinaganadi awitakagaga.

<sup>1</sup> Ee ane ee oxiiḡodi lacilo loiigi Cristo, jiditibigagaji naḡadi notaganagaxi, iniotagodo ane ḡadixipenitedice Aneotedoḡoji. Codaa jidikotibige ḡadionigipi ane jemaa leegodi ḡotiwagatakanegegi anewi. Aḡemokeeta me ḡademaanitiwaji, pida inatawece nigina oko anoyowoḡodi anewi, aḡaḡetigademaanitiwaji.

<sup>2</sup> Gademaaneḡegitiwaji leegodi nigida ḡotiwagatakanegegi anewi, anida mokotaḡa, codaa idioka limedi mida mokotaḡa. <sup>3</sup> Jemaa Aneotedoḡoji Godiodi, codaa me Goniotagodi Jesus Cristo, Lionigi Godiodi, midioka limedi mowo aneletagadomitiwaji, metigadiwikodeni, codaa mowo mele ḡadaaleḡenali. Odaa jigidaagee idioka limedi me iwagatitiwaji anewi, codaa madinemaanitiwage.

*Leeditibige mejiwaḡataḡa anewi, codaa me idinemaanaḡatiwage*

<sup>4</sup> Eliodi me idinitibece niḡijo naḡa jibodice midi ḡadionigipi anodiatece niḡaxinaḡaneḡegi anewi, ane niḡetedoḡowa Godiodi me jaḡa.

<sup>5</sup> Natigide iniotagodo, jipokotaḡawa me idinemaanaḡatiwage okotawece. Ajiditibigaḡaji niḡenatakanegēgi gela, pida jiditibigaḡajitiwaji niḡijo anakaḡida me ḡoniḡenatakanegēgi niḡijo noko maleekoka jinakatonagateda Goniotaḡodi.

<sup>6</sup> Niḡida moko idinemaanaḡatiwage niḡina mejiwaḡataḡa liḡenatakanegēco Aneotedoḡoji, codaa jiḡidaa liḡenatakanegēgi anajipaatiwaji niḡijo maleekoka anakatoniteda Goniotaḡodi, midioka limedi madinemaanitiwage.

<sup>7</sup> Iḡataḡa jeḡeliodi niḡina anoninaaletiniwace oko ilaagiteloco niḡina iḡo, niḡina anodi Jesus Cristo me degenagiteda digoina iḡo me liciagi ḡoneleegiwa. Niḡina oko anee niḡinoa notaga ninaaletiniwace oko, codaa laxakawa Cristo. <sup>8</sup> Adinowetitiwaji adaḡaniadi ḡobakedi, pida amaleeḡaga jibaḡatege lojedi ḡobakedi Aneotedoḡoji anicota me najigotedoḡowa.

<sup>9</sup> Niḡina oko ane dioteci eletidi niḡaxinaḡaneḡeco, Cristo ane daga ḡodiḡaxitetece anoyalagata ḡotiwaḡatakanegēgi, joaniḡiniaḡini niḡini oko aḡicoa Aneotedoḡoji minitaḡa. Pida niḡina oko anidioka limedi me diotece liḡaxinaḡaneḡeco Cristo, odaa Aneotedoḡoji Godiodi, codaa me Jesus ane Lionigi, iniwa minitaḡa. <sup>10</sup> Diḡicatibece oko anigo makaamitaḡatiwaji diḡaxinaḡatece niḡijo

Cristo ane daḡa diiḡaxinaḡatetece, jinaḡabaatege catiwedi ḡadiḡeladi, codaa jinaḡa ḡadecoatitece micataḡa daḡa ḡanioxoa. <sup>11</sup> Iḡaataḡa nigica oko ane nice, oḡaa dice lokaḡedi mowo ane beyagi.

*Owidijedi notaḡa*

<sup>12</sup> Eḡinoateda owidi ane domaḡa ejitedaḡawatiwaji, pida ajiditedini, iḡaataḡa inibeotege me idalitaḡawatiwaji, me eetawece me ḡadotaḡaneḡenitiwaji, amaleeḡaḡa jakadi makaami inikawepodi.

<sup>13</sup> Lionigipi ḡanioxoa, naḡajo ane ixipetedice Aneotedoḡoji me nebi, iditawece oyecoad-itibigaḡaji. Oḡaa jiḡidaaḡee. (Amém).

## **Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)**

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

### **Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Kadiwéu

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---

PDF generated using Haiola and XeLaTeX on 13 Jul 2024 from source files  
dated 29 Jan 2022  
7128a549-e957-5460-8c56-0f5281edf264